

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ՆԱԽԿԻՆՈՒՄ ՆԵՐԿԱՅԱՑՎԱԾ ԹԻՎ ԳԲՔԱ-ՆԳ-2020/02 ԾԱԾԿԱԳՐՈՎ ԲՈՂՈՔԸ ՎԱՐՈՒՅԹ ԸՆԴՈՒՆԵԼՈՒ, ՆՈՐ ԾԱԾԿԱԳԻՐ ՏԱԼՈՒ ԵՎ ԳՈՐԾԻ ՔՆՆՈՒԹՅՈՒՆԸ ՍԿՁԲԻՑ ՍԿՍԵԼՈՒ ՄԱՍԻՆ**

**Բողոքի ծածկագիրը և ամսաթիվը՝** ԳԲՔԱ-ԼՕ-2020/13, 08.01.2020թ.

**Բողոք բերող անձ՝** «ԷսՁեթ Ֆարմա» ՍՊԸ

**Պատվիրատու՝** «Ռուբիկ Հայրապետյանի անվան Աբովյանի բժշկական կենտրոն» ՓԲԸ

**Գնման ընթացակարգի ծածկագիրը՝** «ԱԲԿ-ԳՀԱՊՁԲ-20/4» գնանշման հարցում

**Գնման առարկան՝** բժշկական նշանակության ապրանքների ձեռքբերում:

**Բողոքի պահանջը՝** Պարտավորեցնել «ԱԲԿ-ԳՀԱՊՁԲ-20/4» ծածկագրով ընթացակարգի գնահատող հանձնաժողովին «Ռուբիկ Հայրապետյանի անվան Աբովյանի բժշկական կենտրոն» ՓԲԸ-ի կարիքների բավարարման համար 10.12.2019թ. ժամը 11:00-ի գնահատող հանձնաժողովի նիստի թիվ 2 արձանագրության 12.1-րդ կետը և պայմանագիր կնքելու որոշման մասին հայտարարության մեջ գնման առարկայի 43-րդ չափաբաժնի մասով ընդունած որոշումները փոփոխել և առաջին տեղ զբաղեցրած մասնակից ճանաչել՝ «ԷսՁեթ Ֆարմա» ՍՊԸ-ին:

## ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

### ՔԱՐՏՈՒՂԱՐ՝ Լ.ԱՆԱՆԻԿՅԱՆ

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Բողոքաբեր՝ <<ԷսՋեթ Ֆարմա>> ՍՊԸ

ՀՎՀՀ 00433863

Իրավաբանական անձի գրանցման համար 278.110.02944

գրանցված 07.11.2000թ.

Հասցե՝ ՀՀ, ք. Երևան, Տիգրան Մեծ 63/23

Ներկայացուցիչ՝ Սիբայել Ավետիսյան

/անձն. AN 0746270 տրվ. 09.12.2013թ. 003-ի կողմից/

**Օանուցման հասցե՝** ՀՀ, ք. Երևան, Վաղարշյան 12 շ., 5 հարկ, 2 սենյակ

Հեռ. /094/ 21 69 92

Էլեկտրոնային փոստ [avetisyan-miqael@mail.ru](mailto:avetisyan-miqael@mail.ru)

15-116-20  
08 01 20

Պատվիրատու՝ «Ռուբիկ Հարությունյանի անվան Արուսյանի բժշկական կենտրոն» ՓԲԸ

ՀՀ, Կոտայքի մարզ, Արուսյան, Հատիսի փողոց, 6 շենք

**գնման ծածկագիր՝ ԱԲԿ-ԳՀԱՊՁԲ-20/4**

**առարկա՝ «Ռուբիկ Հարությունյանի անվան Արուսյանի բժշկական կենտրոն» ՓԲԸ-Ի**

**ԿԱՐԻՔՆԵՐԻ ՀԱՄԱՐ՝ ԲԺՇԿԱԿԱՆ ՆՇԱՆԱԿՈՒԹՅԱՆ ԱՊՐԱՆՔՆԵՐԻ ՁԵՌՔԲԵՐՄԱՆ**

**ՆՊԱՏԱԿՈՎ ՀԱՅՏԱՐԱՐՎԱԾ ԳՆՄԱՆ ԸՆԹԱՅԱԿԱՐԳ**

### ԲՈՂՈՔ

ԱԲԿ-ԳՀԱՊՁԲ-20/4 ծածկագրով գնման ընթացակարգի թիվ 2 արձանագրության թիվ 1 հավելվածի համաձայն՝ 43-րդ չափաբաժնի մասով՝ ռենտգեն ժապավեն 35x43, մատակարարելու համար համապատասխան հայտեր են ներկայացրել <<ԷսՋեթ Ֆարմա>> ՍՊԸ-ն՝ 662.400 ՀՀ դրամ գնային առաջարկով՝ առանց ԱԱՀ, <<Դեզսերվիս>> ՍՊԸ-ն՝ 711.000 ՀՀ դրամ գնային առաջարկով՝ առանց ԱԱՀ, <<Ֆարմեգոս>> ՍՊԸ-ն՝ 765.000 ՀՀ դրամ գնային առաջարկով՝ առանց ԱԱՀ և <<Աիդա Թրեյդ>> ՍՊԸ-ն՝ 597.600 ՀՀ դրամ գնային առաջարկով՝ ներառյալ ԱԱՀ-ն:

10.12.2019թ. ժամը 11:00-ին, «Ռուբիկ Հարությունյանի անվան Արուսյանի բժշկական կենտրոն» ՓԲԸ-ում /Կոտայքի մարզ, Արուսյան, Հատիսի փողոց, 6 շենք/ տեղի ունեցած, Գնահատող հանձնաժողովի նիստի թիվ 2 արձանագրության 12.1-րդ կետի համաձայն 43-րդ չափաբաժնի մասով <<Աիդա Թրեյդ>> ՍՊԸ-ն ճանաչվել է նվազագույն գնային առաջարկ ներկայացրած մասնակից և վերջինիս ներկայացվել է պայմանագիր կնքելու առաջարկ:

Պայմանագիր կնքելու որոշման մասին հայտարարության համաձայն՝ Հանձնաժողովը հիմք ընդունելով մասնակցի կողմից ներկայացված գնային առաջարկը որոշել է 43-րդ չափաբաժնի մասով 1-ին տեղը զբաղեցրած և ընտրված մասնակից ճանաչել «Աիդա Թրեյդ» ՍՊԸ-ին:

Գտնում ենք, որ Հանձնաժողովի 10.12.2019թ. ժամը 11:00-ին, Գնահատող հանձնաժողովի նիստի թիվ 2 արձանագրության 12.1-րդ կետով գնման առարկայի 43-րդ

չափաբաժնի մասով ընդունած որոշումն անհիմն է և ենթակա է փոփոխման հետևյալ հիմնավորմամբ.

<<Գնումների մասին>> ՀՀ օրենքի 28-րդ հոդվածի 1-ին մասի 10-րդ կետի համաձայն՝ հրավերը պետք է պարունակի՝ նշում այն մասին, որ առաջարկվող գինը, ապրանքների, աշխատանքների և ծառայությունների արժեքից բացի, ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով:

<<Գնումների մասին>> ՀՀ օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 05.10.2017թ. թիվ 1317-Ն որոշման հավելված N3 սահմանվել են դոնորային արյան և դրա բաղադրամասերի, մայրական կաթի, պրոթեզաօրթոպեդիկ պարագաների, բժշկական տեխնիկայի և բժշկական նշանակության ապրանքների օտարման, բժշկական կազմակերպություններում բժշկական օգնության և սպասարկման շրջանակներում պացիենտների պատրաստած ապրանքների օտարման, աշխատանքների կատարման, ծառայությունների մատուցման՝ ավելացված արժեքի հարկից ազատման արտոնությունների կիրառության շրջանակը, որի 3-րդ մասի 1-ին կետի համաձայն՝ Բժշկական նշանակության ապրանքները՝ ախտորոշման, կանխարգելման, բուժման, անզգայացման ժամանակ օգտագործվող այն բժշկական նշանակության ապրանքներն են, որոնք՝ դասվում են Եվրասիական տնտեսական միության արտաքին տնտեսական գործունեության ապրանքային անվանացանկի դասակարգչի 3005, 3006, 3701 10, 3702 10, 3707 90, 4014, 5601 21, 5601 22 ծածկագրերին:

Ռենտգեն ժապավենները ընդգրկված են ԵՏՄ ԱՏԳԱ դասակարգչի 3701 10 ծածկագրի ներքո:

ՀՀ կառավարության 04.05.2017թ. թիվ 526-Ն որոշման հավելված N1 գնումների կազմակերպման կարգի 33-րդ կարգի 8 կետի համաձայն՝ Պայմանագրով (նախագծով) սահմանվում է նաև, որ՝ այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, պատվիրատուն չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել

իր մեղքով պատվիրատուի կրած վնասներն այն ծավալով, որի մասով պայմանագիրը լուծվել է:

Տվյալ դեպքում «Աիդա Թրեյդ» ՍՊԸ-ն 43-րդ չափաբաժնի գնային առաջարկը ներկայացնելիս դրա մեջ ներառել է նաև ապրանքի ԱԱՀ-ն, մինչդեռ ՀՀ կառավարության 05.10.2017թ. թիվ 1317-Ն որոշմամբ վերոնշյալ ապրանքը ազատված է ԱԱՀ-ից, որը հայտը մերժելու հիմք է հանդիսանում, ուստի հանձնաժողովը պետք է մերժեր, քանի որ կեղծ տվյալ է ներկայացրել հայտում, որով էլ առավելություն է ձեռք բերել մյուս մասնակցի նկատմամբ:

Հիմք ընդունելով վերոգրյալ փաստական և իրավական հիմնավորումները և ղեկավարվելով «Գնումների մասին» ՀՀ օրենքի 50-րդ հոդվածով խնդրում եմ պարտավորեցնել ԱԲԿ-ԳՀԱՊԶԲ-20/4 ծածկագրով ընթացակարգի գնահատող հանձնաժողովին՝ «Ռուբիկ Հարությունյանի անվան Արուլյանի բժշկական կենտրոն» ՓԲԸ-ի 2020թ. կարիքների բավարարման համար «ԱԲԿ-ԳՀԱՊԶԲ-20/4» ծածկագրով գնման ընթացակարգով բժշկական նշանակության ապրանքների ձեռքբերման 10.12.2019թ. ժամը 11:00-ին, Գնահատող հանձնաժողովի նիստի թիվ 2 արձանագրության 12.1-րդ կետը և պայմանագիր կնքելու որոշման մասին հայտարարության մեջ գնման առարկայի 43-րդ չափաբաժնի մասով ընդունած որոշումները փոփոխել և առաջին տեղ զբաղեցրած մասնակից ձևաչել «ԷսՋեթ Ֆարմա» ՍՊԸ-ին:

Միաժամանակ խնդրում եմ բողոքը բավարարելու դեպքում բողոքարկման վարձը փոխանցել «ԷսՋեթ Ֆարմա» ՍՊԸ-ի «Կոնվերս Բանկ» ՓԲԸ-ի 1930000521940100 հաշվեհամարին:

*Կից ներկայացվում են՝*

1. «ԷսՋեթ Ֆարմա» ՍՊԸ-ի վկայականի պատճենը,
2. բողոքարկման վճարը կատարած լինելը հիմնավորող փաստաթղթի բնօրինակը,
3. լիազորագրի բնօրինակը, արտոնագրի և անձնագրի պատճենները,
4. 10.12.2019թ.-ի Գնահատող հանձնաժողովի նիստի թիվ 2 արձանագրության պատճենը,
5. Պայմանագիր կնքելու որոշման մասին հայտարարության պատճենը,
6. ԱԲԿ-ԳՀԱՊԶԲ-20/4 ծածկագրով գնման ընթացակարգի թիվ 2 արձանագրության թիվ 1 հավելվածի պատճենը:

«ԷսՋեթ Ֆարմա» ՍՊԸ-ի

ներկայացուցիչ՝

08.01.2020թ.



Մ. Ավետիսյան